

## **Uunga siunnersuut:**

### **Nunatsinni niuerfinit inuussutissanik angerlarsimaffinni tunisassiorneq pillugu Nammienrsorlutik Oqartussat nalunaarutaat**

Inuussutissat pillugit Inatsisartut inatsisaanni nr. 24, 28. november 2019-imeersumi §§ 13, 25, 26, 27, 28, 29 naapertorlugit aalajangersarneqarpoq:

#### *Atuuffissaa nassuiaatillu*

§ 1. Nalunaarummi pineqarput kalaallit nunaanni aallaaveqartunik inuussutissanik angerlarsimaffinni tunisassiorneq, Kalaallit Nunaanni uumasunut nakorsaqaarnikkut oqartussaniit inuussutissanut akuersissuteqarnani tuniniarneqarsinnaasut.

*Imm. 2.* Inuussutissat "Angerlarsimaffinni tunisassiatut" taaneqartunik tunisaqarsinnaaneq kalaallit nunaanni pingaarnertut tunisassianiissapput imaluunniit nioqqutissiassaneerlutik, kalaallit nunaanni nalunaarsugaasumi suliffeqarfimmi inuussutissaleriffimmiit pisiarineqarsimasut, assersuutigalugu niuertarfiit.

§ 2. Nalunaarummi matumani uku imatut paasineqassapput:

1) Angerlarsimaffimmi tunisassiorneq: Inuussutissat pilersitisunit annikitsunngorlugit tunisassiaminnik pisisartut, suliarinnittut niueruteqartullu tunisassiornerlu assersuutigalugu illuinnarmi igaffimmi inuussutissalerinissamut akuersissuteqanngitsumi ingerlanneqartoq. Angerlarsimaffinni tunisassiornermut aamma ilaapput takornarianut sammisut ingerlatat, assersuutigalugu kaffillernerit angerlarsimaffimilu nerisitsinerit.

2) Angerlarsimaffimmi tunisassiorneq: Inuk ingerlatseqatigiiffilluunniit angerlarsimaffimmi tunisassiornermut akisussaasoq.

#### *Nalunaarsuineq*

§ 3. Angerlarsimaffimmi tunisassiorneq, inuussutissanik tunisassiorneq tuniniaaniartorlu, tak. §§ 1 aamma 2, angerlarsimaffinni tunisassiorneq pillugit uumasunut nakorsaqaqarfiup nalunaarsuiffiani nalunaarsorneqassaaq.

*Imm. 2.* Angerlarsimaffimmi tunisassiorneq aqqa imaluunniit ingerlatseqatigiffia, kiisalu taassuma CPR-normua imaluunniit ingerlatseqatigiiffiup CVR-normua angerlarsimaffimmi tunisassiorneq najugaanut ilanngullugu nalunaarsorneqassaaq. Inuussutissaq angerlarsimaffimmi tunisassiorneq najugaanit allaanerusumi sumiiffimmi allami tunisassiarineqarpat tunisassiorfiup sumiiffia aamma nalunaarsorneqassaaq. Paasissutissat immikkut immersuiffissiakkut Sullissivik aqutugalugu uumasunut nakorsaqaqarfiup nassiunneqassaaq. Eqqortumik nalunaarsuinnikkut nalunaarsuiffimmi taassuma ilisarnaataasoq nalunaarsuinnermi normumik angerlarsimaffimmi tunisassiorneq tigusaqassaaq.

*Imm. 3.* Angerlarsimaffimmi tunisassiorneq ukiumut ataatsimut 100.000 kr.-it sinnerlugit tunisaaqqusaanngilaq, nalunaarsorneqarnermullu atatillugu uppernassassallugu kaaviiartitat

aningaasat taakku anguppagit angerlarsimaffimmi tunisassiorneq unitsinneqassasoq, tamannalu pillugu uppernarsaatissat allatorneqarsimassallutik.

*Inuussutissanik suliarinninneq, toqqortarinninneq nioqquteqarnerlu.*

§ 4. Inuussutissat inunnit nerisassanngorlugit tuneqqusaanngillat imaluunniit tunniunneqaqqusaanngillat nalinginnaasumik atorneqarnerisigut imaassorineqarpata:

- 1) nappaammik tunillaasinnaappata imaluunniit napparsimalersitsisinnaappata,
- 2) toqunartutortitsinermik kinguneqarpata, imaluunniit
- 3) napparsimalersitsisumik allanngorpata, asiuneri, mingutsinneqarneri, kukkusumik suliarineqarsimaneri allatigulluunniit inuit nerisassaattut naleqqutinngitsutut inuussutissat isigineqarsinnaapapta.

§ 5. Nioqqutissiassat, naammassinagit tunisassiat nioqqutissallu naammassisat tiguneqarnerini aamma atorneqarnerini nutaajuneri peqqinnartuunerini angerlarsimaffimmi tunisassiortup nakkutigissavaa.

*Imm. 2.* Inuussutissanik suliarinninneq eqqiluisaarnikkut peqqinnissakkullu illersorneqarsinnaasumik ingerlanneqassaaq.

§ 6. Atortut poortuutit puussallu eqqiluisaarnikkut naammaginartumik toqqorsimaneqassapput.

*Imm. 2.* Poortuineri atortut, atortup ilaani peqqinnissamut navianarsinnaasunik imaluunniit allatigut inuussutissamut ajoqusiisinnaasumik inuussutissamiilersitsissangillat.

§ 7. Inuussutissat mingutsinneqarsinnaanatik toqqortarineqartassapput.

*Imm. 2.* Inuussutissat suliarineqanngitsut suliareriikkallu immikkoortinneqartassapput.

*Nittarsaaneq nalunaaqutsersuinerlu*

§ 8. Inuussutissanik nalunaaqutsersuineri erseqqissumik takuneqarsinnaassaaq nioqqutissaq pineqartoq tassaasoq angerlarsimaffimmi tunisassiornermeersoq.

§ 9. Inuussutissat nalunaarut manna malillugu suliarineqartut tuniniarneqartullu imatut oqaasertalerlugit nalunaaqutsigaassapput:

- 1) Angarlarsimaffimmi tunisassiat nerisassiat akuersisartuniit misissorneqanngitsut.
- 2) Hjemmeproduktion, ikke fødevarekontrolleret.
- 3) Homemade, unauthorized.

*Imm. 2.* Nalunaaqutsiineq, tak. imm. 1, erseqqissuussaaq poortorneranilu naqinnerit erseqqissallutik. Nioqqutissaq poortorneqarsimanngippat allatigut takuneqarsinnaassaaq tassani pineqartoq inuussutissaq angerlarsimaffimmi tunisassiornermeersoq. Inuussutissaq aggukkani poorneqarsimappat aggukkat tamarmik nalunaaqutsigaassapput.

*Imm. 3.* Inuussutissaq aamma imatut nalunaaqutsigaassaaq:

- 1) Angerlarsimaffimmi tunisassioortup aqqa nalunaarsuinermilu normua, § 3, imm. 2 malillugu.
- 2) Ulloq tunisassioortup.

### *Nakkutilliinermi paasisutissisussaataaneq*

**§ 10.** Aarlerinartoqarneranik naliliisoqarpat imaluunniit taamaattoqarneranik aalajangersimasumik pasitsaassisoqarpat nalunaarut manna malillugu suliarineqartunik inuussutissanik uumasunut nakorsaqaarfik taamaallaat misissuissaaq.

*Imm. 2.* Nakkutilliinermi uumasunut nakorsaqaarfik, pissusissamisoortumik uppernarsaanikkut eqqartuussivimmiillu aalajangiinertaqaanngitsumik, qaqugukkulluunniit illunut pisortat pigisaannut inuinnarnullu, suliffeqaarfinnut sumiiffinnullu, assartuutinut, niuernermi allagaatinut uppernarsaatinullu isernissaminut periarfissaqaarput, tassunga ilanngullugit aamma atortut elektroskimik pigineqartut, paasisutissanik pissarsiniarlutik, tak. inuussutissat pillugit Inatsisartut inatsisaanni § 44.

*Imm. 3.* Uumasunut nakorsaqaarfik paasisutissanik tamanik piumasaqarsinnaavoq, tassunga ilanngullugit aningaasaqaarnikkut naatsorsuutigullu pissutsit, nakkutilliinerup naammassineqarnissaanut pingaaruteqartut, kiisalu nakkutilliinermi, misiligutissanik tigusermi, atortunik allanneqarsimasunik tunniussinermi aamma elektronikikkut nalunaarsukkat anisinneqarnerini nakkutilliinermi oqartussanik akeqaanngitsumik pisariaqartinneqarpat ikiuutissalluni, tak. inuussutissat pillugit Inatsisartut inatsisaanni § 45.

### *Inerteqqutit peqqusissutillu*

**§ 11.** Angerlarsimaffimmi tunisassiornissamat nalunaarummi matumani takuneqarsinnaasunik piumasaqqaatinik angerlarsimaffimmi tunisassioortup naammassinninngippat uumasunut nakorsaqaarfik peqqusuteqarsinnaavoq imaluunniit inuussutissanik tunisassioortup, suliarinninnerup, nittarsaanerup tuniniaanerullu ingerlaannarnissaanut inerteqquteqarsinnaavoq, tak. inuussutissat pillugit Inatsisartut inatsisaanni §§ 39 aamma 40.

### *Suliffeqaarfiup matuneqarnera nalunaarsuiffimmiillu peerneqarneq*

**§ 12.** Suliffeqafimmi eqqiluisaarnikkut tunisassiornikkullu pissutsit pitsaanerulersinnissaat pillugu peqqussummik angerlarsimaffimmi tunisassioortup malinninngippat angerlarsimaffimmi tunisassioortup angerlarsimaffimmi tunisassioortut pillugit nalunaarsuiffimmiit uumasunut nakorsaqaarfiup peersinnaavaa suliffeqaarfillu matullugu, tak. inuussutissat pillugit Inatsisartut inatsisaanni § 41.

*Imm. 2.* Angerlarsimaffimmi tunisassioortut pillugit nalunaarsuiffimmiit peerneqarneq aamma suliffeqaarfiup matuneqarnera pillugu aalajangiineq aalajangiinerup angerlarsimaffimmi tunisassioortumut ullormi nalunaarutigineraniit sunniuteqalissaaq.

### *Pineqaatissiissutit*

§ 13. § 3, imm. 3 aamma §§ 4-9 kiisalu § 10, imm. 2 aamma 3-mi unioqqutitsineq pinerluttulerinermut inatsimmi maleruagassat naapertorlugit akiliisussanngortitsinermik arsaarinninnermillu kinguneqarsinnaavoq.

*Imm. 2.* Imm. 1 malillugu akiligassiinerit pinerluttulerinermik inatsimmi kapitali 5-imi malittarisassat naapertorlugit inatsisitigut pisinnaatitaasoq pisussaataasorlu akiliisitsissutigineqarsinnaavoq.

Pinerluttulerinermi inatsisitigut tunngaviit.

*Imm. 3.* Akiliisitsissutit aamma arsaarinnissutigineqartut Nunatta Karsianut tutsinneqassapput.

### *Atortuulersitsineq*

§ 14. Nalunaarut manna taassuma nalunaarutigineraniit ullut 14-it qaangiunnerini atortuulissaaq.

*Namminersorlutik Oqartussat, ulloq 1. maj 2024*

**Kim Kielsen**

Aalisarnermut Piniarnermullu Naalakkersuisoq

/ Emanuel Rosing